

LAURIAC (Gabriel), notaire de Reynies, minutes 1621-1625, Archives départementales de Tarn-et-Garonne, cote 5 E 9468, PH/COM/LL/20190510.

Testament de astruguette ordisse

Au nom de dieu soict amen saichent tous
p(rese)ntz et a()l()advenir que l()**an mil six cens**
vingt ung et le vingt quatriesme jour du
moys de no(vem)bre au lieu de **reynies dans l()havita(tion**
de la testatrix bas nom(m)e diocese de mo(n)tauban
sen(echau)cee de th(ou)l(ous)e enbiron midy regnant louys
tres chrestien prince par la grace de dieu
roy de france et de navarre pardevant
moy no(taire) r(o)yal soubz(sig)ne et tesmoingz bas
nommes establie en personne **astruguette**
hordisse femme de gailhard delmas havitante
dudict lieu laquelle gissant au lict dans
la salle haulte de lad(ite) maison dettenue par
le volloir de dieu de malladie corporelle
bien voyant oyant parlant ayant parfaicte
memoire et cognoyssance considerant a la
mort la quelle nous est certaine et

.....
l()heure incertaine a()faict et ordonne son testement
et derniere volonte et disp(osition) de()ses biens en la
forme et maniere quy s en suict premierement a
faict comme une bonne chrestienne catholique
c est garnie du signe de la s(ain)te croys
disant in()nomine patris et fili et espritus sancti amen
prient dieu le pere tout puissant luy fayre
pardon et misericorde de ses peches pour l()amour
de son filz jesus christ n(ot)re seigneur et apres son
deces luy ressepvoir son ame au s(ain)t royaulme
de paradis avec la compaignie de la s(ain)te vierge
marie et des anges bien heureux item lad(ite) testatrix
a()dict et declayre que apres son deces elle
veult estre ensevelie au simantiere
parochel dudict lieu appelle de s(ain)te supperie
et au tumbeau des predesseseurs de sond(it) mary
et pour ses honneurs et funerailhes s en remect
a()la volonte et discreption dud(it) delmas son
mary et de ses hoirs bas nom(m)es item lad(ite) testatrix
donne et legue tous et chescungz les fruitz
et rebenus quy se feront a tous et ch(ac)ungz ses
biens de lad(ite) testatrix tant que ledict del
mas vivra pour pour desd(its) fruitz en fayre et
disposer par icelluy delmas en la vie et
en la mort a()ses playsirs et volontes et
par ce que l()institu(tion) de heretier ou heretiers
est le chef et fondement de tout bon et

vallable testament sans la quelle tout
testement seroict dict noeul et inballable
a ceste cauze ladicte testatrix a()faictz
institues de()sa propre bouche nom(m)es ses
heretiers generalz et universelz en tous et

.....
chescungz ses biens meubles et immeubles
ou qu()elle les aye et que luy puissent
appertenir de p(rese)nt et pour l()advenir
savoir est pierre et anthoine delmas
jeanne salbie florette et au(tr)e jeanne
delmas ses filz et filhes naturelz et legitimes
et dud(it) gailhard delmas son mary pour
desd(its) biens et heredicté en fayre et disposer
apres le decés de lad(ite) testatrix a()leurs
playsirs et volontés tant a la vie q(ue) a()la
mort en payant ses debtes legatz et
au cas ung ou plusieurs desd(its) filz et
filhes heretiers susd(its) dessederoinct sans fruit
ou fayre testament veult son heredicté
appartenir au surbivant ou surbibantz et a
a()d(it) estre son testament et dernière volonté par
lequel elle casse et revocque tous au(tr)es
testementz qu()elle pourroict avoir sy devant faictz
disant n()en avoir fait d()au(tr)e que le p(rese)nt q(ue)
veult q(ue) aye toute force vateur et vertu par
droict de testament codisille ou donna(ti)on
faicte a cauze de mort et en la meilleur(e)
forme que de droict valloir pourra de
quoy a pries les tesmoingz par elle
recogneus nommes et surnommes estre
memoratifz de sa p(rese)nte volonté et a()moy
not(aire) icelle luy volloir retenir ce
que luy ay consede fayre et fait p(rese)ntz

.....
pierre velay pierre vacquie soubz(sig)nes estieyne
sieurac gabriel malfre jean foysac
henry delmas filz de jean et jean helias dict
peyret havitans dud(it) reynies quy et lad(ite)
testatrix ont dict ne savoir signer et moy
gabriel lauriac not(aire) tabeilhon royal de
reynies et mollis soubz(sig)ne

P. Velay

Lauriac, not(aire)